



Broj: 03-45-1-397/24  
Maglaj, 21.03.2024.godine

## OPĆINSKO VIJEĆE MAGLAJ

Predmet: Prijedlog Odluke o subvencioniranju komunalnih usluga za socijalno ugroženu kategoriju stanovništva, dostavlja se,-

Članom 1. Stav 1. Zaključka Općinskog vijeća Maglaj broj: 02-04-1-124-1/24 od 25.01.2024.godine, u Program rada Općinskog vijeća Maglaj za 2024.godinu uvršten i „Prijedlog Odluke o subvencioniranju komunalnih usluga za socijalno ugrožene kategorije stanovništva“ i da ovu Odluku planira i pripremi Služba za boračko-invalidsku i socijalnu zaštitu, opću upravu i društvene djelatnosti u saradnji sa JU Centar za socijalni rad i KJD d.o.o. Maglaj, te da se ista nađe u Programu rada Općinskog vijeća Maglaj za 2024.godinu u periodu mart – april.

Na osnovu navedenog nadležna općinska Služba je u koordinaciji sa JU Centar za socijalni rad i KJD d.o.o. Maglaj sačinila Prijedlog Odluke o subvencioniranju komunalnih usluga za socijalno ugrožene kategorije stanovništva, te u prilogu ovog akta Općinskom vijeću Maglaj se dostavlja na dalje razmatranje.

Obrađivač:  
Služba za boračko-invalidsku i socijalnu zaštitu  
Opću upravu i društvene djelatnosti



OPĆINSKI NAČELNIK  
Mirsad Mahmutagić





## PRIJEDLOG

Na osnovu člana 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08), i člana 108. Poslovnika o radu Općinskog vijeća Maglaj – prečišćen tekst („Službene novine Općine Maglaj“ broj 02/09, 01/13 i 02/13), Odluke o izvršavanju Budžeta Općine Maglaj za 2024. godinu („Službene novine Općine Maglaj“, broj: 15/23) uzimajući u obzir Zaključak Općinskog vijeća Maglaj broj 02-04-1-124-1/24 od 25.01.2024.godine, Općinsko vijeće Maglaj sa svojoj \_\_\_\_\_ redovnoj sjednici održanoj dana \_\_\_\_\_ 2024. godine, donosi

### ODLUKU

o subvencioniranju komunalnih usluga  
za socijalno ugroženu kategoriju stanovništva

#### DIO PRVI – OPĆE ODREDBE

##### Član 1.

(Predmet odluke)

Ovom Odlukom propisuju se: kategorije korisnika, uslovi, kriteriji i način utvrđivanja prava na subvencioniranje troškova komunalnih usluga, troškovi koji se subvencioniraju, nosioci provođenja odluke i njihove nadležnosti i obaveze, prestanak prava, potrebna sredstva kao i način finansiranja.

##### Član 2.

(Značenje pojedinih pojmova)

Pojedini pojmovi navedeni u ovoj Odluci imaju sljedeće značenje:

- Socijalno ugrožene osobe s nedovoljnim prihodima za život su osobe koje ostvaruju pravo prema Zakonu o socijalnoj zaštiti, zaštiti civilnih žrtava rata i zaštiti porodice s djecom FBiH.
- Subvencioniranje cijene komunalnih usluga korisnicima podrazumijeva plaćanje dijela troškova komunalnih usluga koje pruža Komunalno javno društvo Maglaj (u daljem tekstu: „KJD d.o.o.“), a za lica za koja se na osnovu kriterija iz ove Odluke utvrdi da spadaju u kategoriju lica u stanju socijalne potrebe.

#### DIO DRUGI – USLOVI, KRITERIJI I NAČIN UTVRĐIVANJA PRAVA

##### Član 3.

(Ostvarivanje prava na subvencioniranje)

Subvencioniranu cijenu komunalnih usluga ostvaruje pojedinac ili domaćinstvo (u daljem tekstu: „korisnik subvencije“) i to fizičko lice koje je vlasnik ili zakupac stambenog prostora odnosno članovi domaćinstva stambene jedinice koja ispunjavaju kriterije iz ove Odluke.

Subvenciju može ostvariti zakupac samo pod uslovom da je zaključio ugovor o zakupu u kojem je utvrđeno da je obavezan plaćati troškove komunalnih usluga.

Pravo na subvencioniranje komunalnih usluga ostvaruje korisnik komunalnih usluga koji ima prebivalište na području Općine Maglaj a koji je:

- korisnik je stalne novčane pomoći,
- korisnik javne kuhinje,
- lica koja su koristila jednokratnu novčanu pomoć putem JU Centar za socijalni rad za prethodnu godinu,
- domaćinstva koja su obuhvaćena članom 3. Odluke Općinskog vijeća Maglaj o utvrđivanju cijena isporuke vode, odvodnje kanalizacije i prikupljanja i odvoza komunalnog otpada („Službene novine Općine Maglaj“, broj:12/23 od 13.10.2023. godine), a odnosi se na

domaćinstva sa jedan do dva člana sa subvencijom za jednočlana domaćinstva iz kategorije penzionera čija primanja ne prelaze iznos minimalne penziju FBiH i/ili RS.

#### Član 4.

(Količina vode i komunalnog otpada koji se subvencioniraju)

Maksimalna mjesečna količina isporučene pitke vode i količina otpadnih voda po članu domaćinstva korisnika komunalne vodne usluge ne može prijeći 3m<sup>3</sup>.

Razliku u iznosu mjesečnog računa za količinu isporučene pitke vode i količinu otpadnih voda koja nastaje potrošnjom većom od 3m<sup>3</sup> po članu domaćinstva korisnika komunalne vodne usluge, snosi korisnik.

Trošak odvoza komunalnog otpada za korisnika subvencije pokriva se u cijelosti.

#### Član 5.

(Uslovi za ostvarivanje prava)

Opći uslovi koje mora ispuniti korisnik komunalne usluge su:

- da podnositelj zahtjeva i članovi domaćinstva imaju prebivalište na području općine Maglaj,
- da se nekretnina za koju se izdaje račun za pružanje vodnih usluga vodosnabdijevanja i odvodnje i prečišćavanja otpadnih voda i odvoza komunalnog otpada nalazi na području općine Maglaj
- da račun za pružanje vodnih usluga vodosnabdijevanja i odvodnje i prečišćavanja otpadnih voda i odvoza komunalnog otpada glasi na:

- a) ime podnosioca zahtjeva ili zakupodavca sa kojim korisnik usluge ima zaključen ugovor o zakupu stambenog prostora ili
- b) člana zajedničkog domaćinstva koji ispunjava uslove iz člana 3. ove Odluke.

#### Član 6.

(Postupak za ostvarivanje prava na subvenciju)

(1) Postupak za ostvarivanje prava na subvencioniranje provodi JU Centar za socijalni rad općine Maglaj (u daljnjem tekstu: Centar za socijalni rad), a pokreće se na zahtjev osobe koja želi ostvariti pravo na subvencioniranje ili po službenoj dužnosti za korisnike stalne novčane pomoći, korisnike javne kuhinje i korisnike jednokratne pomoći Centra za socijalni rad;

(2) Uz zahtjev za subvencioniranje troškova, podnosilac zahtjeva iz člana 3., stav d) prilaže:

- a) prijavni obrazac
- b) kućnu listu
- c) ček od penzije za minimalno prethodna dva mjeseca
- c) posljednji račun izdat od strane KJD d.o.o. za pružanje vodnih usluga vodosnabdijevanja, odvodnje i prečišćavanje otpadnih voda i odvoza komunalnog otpada.

#### Član 7.

(Službena evidencija)

(1) Centar za socijalni rad je dužan sačiniti službenu evidenciju o korisnicima koji ostvaruju pravo na subvencioniranje komunalnih usluga iz člana 3., stav a), b) i c).

(2) Evidencija sadrži:

- a) lične podatke o korisniku: ime, ime jednog roditelja, prezime, adresu stanovanja i šifru korisnika komunalnih usluga,
- b) podatke o utvrđenom statusu korisnika subvencije,
- c) podatke o članovima domaćinstva (ime, ime jednog roditelja, prezime, status - zaposlen, nezaposlen, penzioner, učenik, student, korisnik stalne socijalne pomoći, jednokratne novčane pomoći, korisnik javne kuhinje),
- d) podatke o statusu stanovanja (vlasnik stana/kuće, korisnik stana/kuće, član domaćinstva, zakupac stana/kuće).

(3) U postupku sačinjavanja službene evidencije po službenoj dužnosti se pribavlja posljednji račun izdat podnosiocu zahtjeva od strane KJD d.o.o. Maglaj, te dokaz Centara za socijalni rad o pripadnosti kategoriji korisnika stalne novčane pomoći, jednokratne novčane pomoći i/ili korisnika usluga javne kuhinje.

#### Član 8.

(Lista korisnika)

(1) Nakon sačinjavanja službene evidencije, Centar za socijalni rad izdaje spisak korisnika subvencije koji dostavlja dostavlja KJD d.o.o. Maglaj i Službi za boračko-invalidsku i socijalnu zaštitu, opću upravu i društvene djelatnosti i Službi za privredu, finansije i razvoj poduzetništva Općine Maglaj.

#### Član 9.

(Obaveze KJD d.o.o. Maglaj)

- (1) Na osnovu Liste korisnika koju dostavlja Centar za socijalni rad, KJD d.o.o. Maglaj je dužno dostaviti tabelarni prikaz planiranog utroška sredstava za komunalne usluge za korisnike subvencije za tekuću godinu do kraja marta tekuće godine.
- (2) Po izdavanju kvartalnog računa za korisnike subvencije u skladu sa Listom korisnika iz člana 8. ove Odluke, KJD d.o.o. će uputiti zahtjev Službi za privredu, finansije i razvoj poduzetništva i Službi za boračko-invalidsku i socijalnu zaštitu, opću upravu i društvene djelatnosti Općine Maglaj za doznaku sredstava za pokrivanje kvartalnog utroška za pokrivanje dijela komunalnih usluga za korisnike subvencije.
- (3) Po prijemu zahtjeva sa tabelarnim prikazom iz stava (2) ovog člana, Općina Maglaj putem Službe za privredu, finansije i razvoj poduzetništva i Službe za boračko-invalidsku i socijalnu zaštitu, opću upravu i društvene djelatnosti će donijeti Odluku o isplati sredstava za subvencioniranje komunalnih usluga za navedeni kvartal.
- (4) Služba za privredu, finansije i razvoj poduzetništva Općine Maglaj po prijemu Odluke iz prethodnog stava će izvršiti plaćanje subvencioniranog dijela komunalnih usluga na transakcijski račun KJD d.o.o. Maglaj u roku od 15 dana.
- (5) Isplata sredstava za subvencioniranje komunalnih usluga će se uvrstiti u kalendar isplata Općine Maglaj na način da se isplate vrše, kako slijedi:
  - Isplata za I kvartal (januar-mart) – do 20.04.
  - Isplata za II kvartal (april-juni) – do 20.07.
  - Isplata za III kvartal (juli-septembar) -do 20.10.
  - Isplata za IV kvartal (oktobar-decembar) – do 20.01. naredne godine
- (6) KJD d.o.o. Maglaj je dužno na analitičkim karticama korisnika subvencije komunalnih usluga prikazati iznos subvencije Općine Maglaj.

#### Član 10.

(Obaveze Centra za socijalnu rad)

JU Centar za socijalnu rad je dužna sačiniti spisak lica koja ispunjavaju uslove za subvenciju na osnovu statusa iz člana 3., stav a), b) i c) a na osnovu podataka dostavljenih uz prijavu i za korisnike iz člana 3., stav d) ove Odluke.  
Spisak korisnika subvencije potrebno je istaknuti na oglasnu ploču Centar za socijalni rad, KJD d.o.o. i Općine Maglaj.

#### Članak 11.

(Prestanak prava)

- (1) Korisnici koji su ostvarili pravo na subvencioniranu cijenu utvrđenog dijela troškova komunalnih usluga, a kod kojih u međuvremenu dođe do promjena koje su od utjecaja na ostvarivanje utvrđenog prava (promjena prebivališta, broj članova domaćinstva, zaposlenje i druge činjenice koje dovode do promjene statusa korisnika), obavezni su u roku od 15 dana od dana nastale promjene, obavijestiti Centar za socijalni rad.
- (2) Centar za socijalni rad u roku od 3 dana izvještava KJD d.o.o i Službu za boračko-invalidsku i socijalnu zaštitu, opću upravu i društvene djelatnosti i Službu za privredu, finansije i razvoj poduzetništva Općine Maglaj o nastaloj promjeni.

- (3) KJD d.o.o. Maglaj je dužno u roku od 5 dana od dana saznanja da su nastupile promjene iz stava (1) ovog člana postupiti po istim.

Član 13.

(Postupak brisanja)

- (1) Zbog nastalih promjena iz člana 11. ove Odluke, Centar za socijalni rad će brisati korisnika subvencije za komunalne usluge sa Liste korisnika za naredni kvartalni period.

III- FINANSIRANJE

Član 14.

(Potrebna sredstva)

Za provođenje ove odluke osigurana su sredstva u iznosu od 25.000,00 KM u Budžetu općine Maglaj.

IV- ZAVRŠNE ODREDBE

Član 15.

(Nadzor nad provođenjem odluke)

Nadzor nad provođenjem ove odluke vrši Općinski načelnik putem Općinske službe za Boračko-invalidsku i socijalnu zaštitu, opću upravu i društvene djelatnosti.

Član 16.

(Stupanje na snagu i objava)

Ova odluka stupa na snagu osmog dana od dana objavljivanja u "Službenim novinama Općine Maglaj", a primjenjuje se za 2024. godinu.

Broj:

Datum:

PREDSJEDAVAJUĆA  
Aida Bašić